





黨鄉子

地輿圖考


孔子鄉黨考

孔子鄉黨

六十五

四書釋地曰史記曰孔子生魯昌平鄉陬邑昌平本山鄉蓋以山得名括地志云在兗州泗水縣南六十里故鄒城在泗水縣東南六十里故闕里又在縣南五十里此則以曲阜之闕里名其地非真闕里也真闕里伍緝之曰背洙面泗

按今兗州在禹貢徐兗二州之域泗水在禹貢徐州又按史記索隱鄒邑名路史國名紀鄒魯下邑今兗之魯縣孔子之生處與孟子之鄒異左襄十鄒人紇挾之以出門者疏云孔子父爲鄒邑大夫故謂之鄒人四書釋地鄒邑在今山東兗州府鄒縣界或曰孔子生魯昌平鄉後徙



居曲阜縣亦名闕里與昌平同曲阜國都亦曰鄉對朝廷言之也又儒行孔子曰某少居魯長居宋則鄉黨亦有在宋者矣

地輿圖考

孔子鄉黨

六十六

近聖人之居

水

阜曲

泗水

鄒

泗

東

海


桐柏

江

九江

南

西



近聖人之居考

按左哀七年秋伐邾及范門茅成子請告于吳不許曰魯擊析聞於邾邾本邾國此相近之一證也四書釋地續云古鄒城西北去曲阜七十六里今考山東兗州府卽魯地其所屬鄒縣卽孟子所居鄒國在府東五十里故經註集證曰兗州府鄒縣卽古鄒國有孟子墓

去聖人之世考

趙氏惠曰孟子之生雖不可知然哀公十六年孔子卒又十年悼公立凡四十年元公二十一年穆公三十三年共公二十二年康公九年景公二十九年共一百六十四年

地輿圖考

近聖人之居

六十七

而魯平公繼立由孔子而來至於今百有餘歲則孟子必生於穆公之末共公之前以魯平公之將見孟子而臧倉沮之梁惠王見之而稱曰叟其年先後於穆共之間槩可知矣經註集證按孔子卒於魯哀公十六年壬戌當周敬王之四十一年後三年乙丑敬王崩子元王立在位七年子貞定王立在位二十八年子考王立在位十六年子威烈王立在位二十四年子安王立在位二十六年子烈王立在位七年弟顯王立顯王三十三年乙酉孟子至梁自敬王四十一年壬戌孔子卒之歲至顯王三十三年乙酉孟子遊梁之歲共歷百四十四年顯王四十八年崩子慎

觀王立 在位六年 子赧王立 赧王九年 丁未 齊伐燕 取之
 斯時 孟子在齊 距孔子卒之歲 共百六十六年 考史記云
 退而與萬章之徒 序詩書 述仲尼之意 作孟子七篇 在遊
 梁齊不遇之後 此於篇終 歷叙羣聖道統 正是孟子暮年
 所作 距孔子卒時 不過百六七十一年也 故約言之曰 百有
 餘歲

地輿圖考

去聖人之世

六十八



北
 南
 泗水
 泰山
 防
 桐柏


防考

國名紀曰防臧氏邑在魯東鄙按左襄十三年冬城防書時事也於是將早城武仲請俟農功之畢卽其地也又魯有二防一近宋春秋隱十一年伐宋取防是杜注高平昌邑縣西南有西防城一近齊隱九年公會齊侯于防是也杜注魯地在琅琊華縣東南臧氏之防疑近齊致防奔齊殆因其近與

地輿圖考

防

六十九



艾 莒

風

莒

魯

海

南

上川

尼邱在沂之東
南沂出尼邱之
西北

徐州



沂水

沂

水

海

南

地輿圖考

子在川上考

川上

七十一

關里志曰尼山五峯連峙謂之五老峯中峯即尼邱迥出
霄漢間中峯之麓有宣聖廟廟北為中和壑壑上有觀川
亭即子在川上處壑下沂水出焉四書釋地曰子在川上
相傳即泗水發源處今之泉林寺在泗水縣東五十里陪
尾山下四源並發寺之左右大泉十數洶渟澄澈互相灌
輸會而成溪是為泗水關里志謂川為沂水四書釋地
謂川為泗水二說不同百詩不能確指泗水但曰相傳云
云當從關里志又按酈注沂出尼邱山西北逕魯雩門注
于泗頗得川上方向

武城

北武城亦云東武城


地輿圖考

武城考

武城

七十二

隋區宇圖曰夏禹七代孫芒封公子武於此建國今武城
 北十里有故城四書考曰武城有南北北武城屬東昌府
 南武城卽今嘉祥縣隸兗州今觀南武山澹臺山澹臺河
 俱在嘉祥則嘉祥爲南武城明矣日知錄曰史記仲尼弟
 子傳曾參南武城人澹臺滅明武城人子羽傳次曾子但
 曰武城省文耳水經注引京相璠云今泰山南武城縣
 有澹臺子羽家恐誤蓋泰山之北則齊南則魯泰山南魯
 之北境子羽南武城人其家當在費縣西南今費縣屬沂
 州府春秋時爲魯季安得在泰山之南乎北武城在泰山之南京相璠



特因南字誤謂南武城耳又西京雜記據國策云南當作北

會參殺人以告北當作南會參母以曾子輿爲北武城人亦

誤顛倒南北二字故耳今據春秋襄公十九年城武城注

云懼齊也左傳哀公十一年齊師伐我冉求帥左師以武

城三百人爲已徒卒戰于郊師入齊軍此二事武城與齊

連界定是北武城蓋史記秦山之陽則魯其陰則齊二語

自是鐵限則魯之北境近齊之南境故知與齊連界者爲

北武城非四書所載之武城也又左傳昭公二十三年邾

人城翼還將自離姑公孫鉏曰魯將禦我欲自武城還循

山而南徐鉉不可遂自離姑武城人塞其前斷其後之木

地輿圖考

武城

七十三

而弗殊邾師過之乃推而履之遂取邾師哀公八年吳伐

我子洩公山不狃率故道險欲使魯備從武城初武城人拘郈人之

漚菅者及吳師至拘者道之以伐武城王犯嘗爲之宰吳人

爲武城宰澹臺子羽之父好焉國人懼懼爲內應吳師克東陽而進

此二事武城與邾吳二國偏近定是南武城蓋魯南擊析

聞於邾吳都揚州亦在魯之南境故知與邾吳偏近者爲

南武城卽四書所載之武城也

子游爲武城宰子之武城考

子游爲宰深知澹臺滅明正以子羽之家近在武城不

然非公不至邑宰之室何待言乎吳在魯南據左傳吳師

伐武城王犯嘗爲之宰澹臺子羽之父好焉云云則子游作宰之武城卽南武城無疑

武城絃歌解

明儒經翼曰子游爲宰武城而絃歌以治亦是以禮讓爲國之道故孔子喜之或曰絃歌如何是禮讓曰讓則和不讓則爭以我真實之意藹然形於歌詠之間則乖戾之心自然潛消自一鄉而達之一邑翕然雍容皆歸禮教之中豈不大治故子游爲政而人不忍欺誠感之也能充其極則德愈盛效愈遠雖篤恭而天下平何以過此

武城有越寇考

地輿圖考

武城 絃歌越寇

七十四

四書釋地曰曾子居武城卽南武城魯邊邑在今費縣西南八十里石門山下吳未滅與吳鄰吳旣滅與越鄰越王句踐嘗徙治琅邪起館臺又嘗與魯泗東地方百里此豈待浮海入寇而後至武城耶



地輿圖考

東蒙頤與費考

頤與費東蒙東山

七十五

四書釋地曰前漢志頤與國在泰山郡蒙陰縣蒙山下費屬東海郡杜通典總攷於沂州費縣下曰有蒙山有東蒙山有頤與城又有子游所宰之武城予讀酈注沂水條云治水從臨沂縣東流逕蒙山下又東南逕頤與城北又東南逕費縣故城南按其里程相距纔七十里耳焦氏宏曰蒙山與龜山相連延袤八十餘里蒙山之陽爲費陰爲蒙陰縣也禹貢有二蒙徐州蒙羽其藝東蒙也梁州蔡蒙旅平西蒙也詩曰奄有龜蒙遂荒大東謂東蒙又曰乃命魯侯俾侯於東錫之山川土田附庸附庸謂頤與路史頤與

子魯也春秋傳顓臾風姓也實司太皞與有濟之祀注伏犧氏之後

費考

元和郡縣志曰費古費國也隱公元年傳費伯帥師城郕後爲魯季氏之邑論語類考曰費本姬姓之國文武之後伯爵也或云魯懿公子大夫鄭伯之邑僖公以賜季友取爲私邑故去邑爲費四書釋地續曰費城在費縣西北二十里魯季氏邑王伯厚謂費惠公孟子旣稱爲小國之君加以楚世家有鄒費邾邳意戰國時魯季氏以邑爲國而僭稱公耶日知錄曰春秋時有二費其一見左傳成公十地輿圖考

顓臾費東蒙山

七十六

東山考

東蒙

四書釋地曰曲阜縣東二十里有防山孔子父母合葬處世家所謂防山在魯東絕不高也或曰費縣西北蒙山正居魯四境之東一名東山孔子登東山而小魯指此疑近是○東蒙山名卽書之蒙羽其藝詩之奄有龜蒙之蒙也

自元和志謨析爲二謂蒙山東蒙山相距五里遂覺論語
與詩書各有所屬

地輿圖考

顛與費東蒙東山

七十七

青州

齊


徐州

石門

魯

石門

張



魯城南門

石門
魯城外門
卽郭門

詩書各有所屬
自元和志謨析爲二謂蒙山東蒙山相距五里遂覺論語
與詩書各有所屬

石門考

石門齊地也入春秋來齊鄭盟於石門其地雖非都會要亦關津之阻郵傳所經過客往來之通邑也閻百詩曰或曰石門齊地隱公三年齊鄭會處卽此非也讀太平寰宇記古魯城凡有七門次南第二門名石門案論語子路宿於石門註云魯城外門蓋郭門也蔡邕傳釋誨曰石門守晨章懷太子賢引論語鄭康成註云石門魯城外門也晨門至晨夜關閉者此惟漢去春秋未遠故鄭能實其所在

地輿圖考

石門

七十八



沂汶

沂
汶
齊
青州

山原
魯
徐州

沂
洙
泗
沂
泗
沂
泗

海

南

汶沂考

詩齊風曰汶水湯湯汶水滔滔下並云魯道有蕩禹貢曰濟水東北會于汶蔡傳於東北合汶後方云至今青州入海則汶在徐州可知禹貢雖指謂原山北接淄川延袤跨青徐之境汶雖徐水其導源處猶爲青域故青之貢道書浮于汶蓋亦以徐北境之汶卽在青之南境非青別有汶也周禮夏官職方氏曰青州其浸沂禹貢曰徐州淮沂其父蔡傳曰周無徐州周之青卽禹徐徐之浸莫大於沂則知職方青州之沂卽禹貢徐州之沂青州非別有沂也然閻百詩曰曾彥和謂汶有徐州之汶有青州之汶余謂沂亦有徐州之沂有青州之沂論語在汶浴沂皆指徐州言以魯事也汶出泰山萊蕪縣原山西南入濟者徐之汶也出朱虛縣東泰山卽今東鎮沂山至安邱入濰者青之汶也沂出魯費縣尼邱山西北逕魯之雩門注于泗水者徐之沂也出泰山蓋縣艾山南至下邳入泗者青之沂也

浴沂考

按韓昌黎以浴爲沿字之誤或又曰以周正言之莫春乃今之正月以夏時言之亦不過今之三月山東地方莫春尙寒不可浴蓋皆以浴爲洒身故疑之今據說文浴洒身也盥澡手也詩大雅可以濯壘毛傳云濯滌也論語集注

地輿圖考

汶沂

七十九

不曰洒身而曰盥濯明是訓浴爲盥手集註又曰今上已被除是也按韓詩外傳鄭國之浴三月上已於溱洧兩水之上執蘭招魂續魄祓除不祥集註本此

風舞雩考

按水經注沂水北對稷門亦曰雩門門南隔水有雩壇高三丈包註以風字爲風涼之風集註從之自是定解乃或因山東莫春尙寒而論衡遂以風爲歌諷之諷後漢書仲長統傳云諷乎舞雩之下善長水經注云雩壇曾點所欲風舞處以風舞連文言歌而舞也周柄中典故辨正以風爲風乾之風謂祓除時湔濯其衣故風乾之其說俱非是

地輿圖考

風舞雩

八十

如謂莫春尙寒非風涼之時則上文春服旣成已釋裘纒而衣帛褶矣今人尙有被裘當風者豈服春服而猶不可以風乎集註確不可易

與點解

明儒經翼曰問夫子與點之意曰深山之寶得於無心赤水之珠索於罔象三子皆欲得國而治未免執定做去觀曾點應用之迹超然於政教禮樂之外春服熙熙卽唐虞垂衣之治童冠追隨卽百僚師師之化舞雩風詠卽明良廣歌之氣象易地皆然此千古經綸手段所謂以無用爲用又曰三子之言志似實而虛會點似虛而實有勇知方

足民小相自是實事然千乘之國宗廟會同何時可到手
不若春服風詠更無等待故無所擇於境者始可語安土
無所擇於時者始可語樂天

地輿圖考

與點解

八十一



南

儀考

四書釋地曰孔子時衛都濮陽爲今東昌府濮州生平凡五至衛第一去魯司寇輒適衛第二將適陳過匡過蒲皆不出衛境內而反衛第三過曹而宋而鄭而陳仍適衛第四將見趙簡子未渡河而反衛第五如陳而蔡而葉復如蔡而楚仍反乎衛儀邑城在今開封府蘭陽縣西北二十里乃衛西南境距其國五百餘里不知孔子先至國而後儀邑或由儀邑而國都皆不可知要爲第一次適衛時事則無疑何則封人曰二三子何患於喪乎喪失位去國也

儀封人

地輿圖考

儀

八十二

周禮地官封人掌設王之社壇爲畿封而樹之凡封國設其社稷之壇封其四疆造都邑之封域者亦如之按夏官有掌疆之官注云掌封疆之界故名其官然則天子封人專掌封國造邑之事而固守邊界自有掌疆之職諸侯無封國事封人惟專任守疆之責儀邑封人姓名不傳

五至衛第一去魯司寇輒適衛第二將適陳過匡過蒲皆不出衛境內而反衛第三過曹而宋而鄭而陳仍適衛第四將見趙簡子未渡河而反衛第五如陳而蔡而葉復如蔡而楚仍反乎衛儀邑城在今開封府蘭陽縣西北二十里乃衛西南境距其國五百餘里不知孔子先至國而後儀邑或由儀邑而國都皆不可知要爲第一次適衛時事則無疑何則封人曰二三子何患於喪乎喪失位去國也

康

海

西河

西河

豫州

康

地輿圖考

康考

康

八十三

周書康誥孔安國傳曰康圻內國名叔封字孔穎達疏曰
 知康圻內國名者以管蔡郈霍皆國名則康亦國名而在
 圻內括地志曰故康城在許州陽翟縣西北三十五里陽
 翟今禹州正周畿內地圖禹州在河南春秋時鄭之櫟邑
 又按括地志說本孔安國與作謚號解者不同鄭康成以
 康為謚號以史記世家云生康伯故也似以鄭說為正



海

匡城臨海

黃

兗州

匡車

匡

匡

西河

匡

地輿圖考

匡考

太平寰宇記曰開封府襄邑縣古匡城在縣西三十里昔仲尼遊此城匡人誤圖夫子夫子由城東南空角而出其跡猶存論語類考曰春秋僖十五年公次于匡杜註匡衛地在陳畱長垣縣西南羅泌云匡即也本衛地故城在長垣南一里即孔子所厄者一統志云匡城在河南開封府睢州西三十里蓋長垣今屬大名府開州而匡地則割入睢州矣左傳文元年晉伐匡即此地也淮南子注亦云襄邑有匡亭有承匡山蓋今之睢州本漢晉襄邑地也又定六年公侵鄭取匡杜註匡鄭地



淇河

淇

淇水

河西

河東

西河

西

淇河西

地輿圖考


淇河西考

四書釋地曰淇河西集註畧之趙註詳之曰詩竹竿之篇
 泉源在左淇水在右碩人之篇河水洋洋北流活活衛地
 濱於淇水在北流河之西故曰處淇水而河西善謳所謂
 鄭衛之聲也

南

華嶽

北



南河

華嶽

華嶽

南

中嶽嵩山

地輿圖考

華嶽考

華嶽

八十六

山海經曰太華之山削成而四方華山記曰山頂有池生千葉蓮花服之羽化因曰華山名山志曰華山五嶽之西嶽也在華州華陰縣名太極總仙洞天少華山在華州東南連太華山太華山高五千仞有芙蓉明星玉女三峯蒼龍嶺黑龍潭白蓮池日月崖及仙掌石月之勝白虎通曰西方少陰用事萬物生華故曰華山也四書釋地曰華山名嶽亦山名蓋舉二山下故對以二水在禹貢名峴在國語名西吳管子書作西虞在前漢志名吳山後漢志名吳嶽山實一山也周禮豫州山鎮曰華雍州山鎮曰嶽爾雅

秦山北海


說北山

釋山河南曰華河西曰嶽皆並配對舉則中庸可知矣
 昔人以中庸華嶽為一山緣爾雅云華山為西嶽也下文
 舉河海二水自應華嶽為二山如閻徵君所云也爾雅既
 曰河南華又曰華山為西嶽蓋對冀州而言則華在河南
 對中嶽而言則華為西嶽禹治冀之西河龍門南至華陰
 華陰者華北也河在華北華不在河南乎故曰河南華中
 嶽高山在豫州中央華在豫州西境逼近梁州界道
 華不在中嶽嵩山之西乎故又曰華山為西嶽

地輿圖考

華嶽

八十七



北海

青州

齊

東海

泰山一名岱

南

河

泰山北海考

海詳上九河注海

四書釋地曰禹貢海岱惟青州故蘇秦說齊宣王曰齊南有泰山北有渤海司馬遷言吾適齊自泰山屬之琅邪北被於海降至漢景帝猶置北海郡於營陵營陵舊營邱地左傳云君處北海是也高帝置泰山郡領博縣縣有泰山廟岱在其西北禮記云齊人將有事於泰山是也以知挾泰山以超北海皆取齊境內之地設譬耳禹貢漢孔氏傳曰青州東北據海西南距岱正義曰海非可越而言據者東萊東境之縣浮海入海曲之間青州之境非至海畔而已故言據也漢末有公孫度者竊據遼東自號青州刺史

地輿圖考

泰山北海

八十八

越海收東萊諸郡堯時青州當越海而有遼東也舜爲十
二州分青州爲營州營州卽遼東也四書釋地曰滿巽元
萊州人一絕句云天下不會小仲尼眼界虛請君亦復去
登泰山何如余爲神往者久之韓昌黎潮州詩云有海無
天地酈注膠水條云北眺巨海杳冥無極天際兩分白黑
方別竊以詩文道海者至上數語恐無復人有措處

旅考

按書禹貢曰蔡蒙旅平又曰荆岐旣旅又曰九山刊旅皆
謂祭山故禹貢漢孔氏傳云祭山曰旅唐孔穎達疏遂引
論語季氏旅於泰山證其爲祭山之名然考周禮有國有

轉附朝儼海琅邪齊雪宮牛山崇邑

大故則旅上帝之支陳氏禮書曰國有大故然後旅其羣
神而祭之則知旅不但祭山而已朱子集註云旅祭名極
渾括

地輿圖考

泰山北海

八十九



南

轉附朝儻海琅邪考

景公傳曰轉附乃太公之墓卽武陵朝儻乃桓公之墓所謂穆陵是也孟子趙岐註曰朝水名孫疏曰據梁時顧野王釋云舞水名出南陽縣悞舞爲儻蓋朝儻後人依乎水以名之宋趙慝有轉附屬萊州之說孔氏頴達曰萊東境之縣入海曲之間閭百詩曰二山當在海之盡頭登之可以觀海惟至海盡頭然後回轍循海之濱西行以南至邪邪亦可觀海焉趙注琅邪齊東南境上邑集注因之國策曰齊南有泰山東有琅邪西有清河河北有渤海茅瑞徵曰齊乘稱沂州東南芙蓉山下有湖漑田千頃香粳鍾畝古地輿圖考

轉附朝儻海琅邪

九十

稱琅邪之稻四書質疑曰琅邪是山非邑在今青州府諸城縣

雪宮考

元和郡縣圖志曰齊雪宮故址在青州臨淄縣縣卽齊故都東北六里晏子春秋謂齊侯見晏子於雪宮卽此

牛山考

明一統志曰牛山在今青州府臨淄縣四書釋地曰牛山齊之東南山也本趙氏方向少錯無論今日驗在臨淄縣南一十里亦在唐臨淄縣南二十一里括地志所謂管仲冢與桓公冢連在牛山上是酈道元注牛山一名南郊山

天齊淵出焉齊以此得名梁劉昭不知引何人孟子注云
南小山曰牛山晉左思齊都賦云牛嶺鎮其南列子齊景
公遊於牛山北臨其國城而流涕夫臨曰北正以山實在
其南晏子春秋曰景公遊於牛山之上北望齊曰美哉國
乎使古而無死寡人將去此而何之

棠考

四書釋地曰春秋三棠邑一宋魯之界上隱公五年春矢

魚于棠

公羊稱邑

是也一楚邑伍奢長子尚爲棠君是也一齊

邑左襄二十五年齊棠公之妻杜註棠公齊棠邑大夫不

言所在余謂棠萊邑也後漢志北海卽墨縣有棠鄉齊靈

地輿圖考

雪宮年山棠

九十一

公十五年滅萊邑故爲齊有後孟子爲發棠卽此是也今
卽墨縣甘棠鄉

四書釋地曰春秋三棠邑一宋魯之界上隱公五年春矢

魚于棠

是也一楚邑伍奢長子尚爲棠君是也一齊

邑左襄二十五年齊棠公之妻杜註棠公齊棠邑大夫不

畫

海


青州

齊都

畫

齊都其徐州

海



地輿圖考

畫考

畫

九十二

畫當作畫後漢書耿弇傳曰諸郡太守合萬餘人守臨淄相去四十里奔進軍畫中註云畫中邑名音胡麥反史

記田單傳曰燕初入齊聞畫邑人王蠋賢劉熙註云畫音

獲此其證也至其方向集註云在齊西南魯在齊南曲阜

魯之西境鄒去曲阜纔七十六里則鄒在齊西南孟子去


齊歸鄒必向西南行集註謂畫在齊西南確不可易而括

地志以畫在臨淄西北誤矣其里程見於水經注曰澧水

出時水東去臨淄十八里所謂澧中也此集註所以云齊

近邑與 鄒國考 見上近聖人之居

崇休



地輿圖考

休考

休崇

九十三

四書釋地曰孟子致為臣而歸歸於鄒也中間經過地名
 休者少憇焉與丑論在齊事故曰居休故休城在今兗州
 府滕縣北一十五里距孟子家約百里
路史國名紀休在
 潁川或曰介休介
 在膠西
 並非

崇考

國名紀曰崇古崇侯國伯爵即今鄆縣昔文王伐崇命無
 殺人民壞宮室崇人歸之如父母備考據此遂以孟子之
 崇為崇侯虎國誤矣按文王伐崇地屬雍州左傳宣元年
 晉趙穿侵崇以求成於秦則崇在秦境可知齊都臨淄在

青州何至不遠數千里哉故四書類典嘗疑之謂崇國屬秦境與孟子見王之崇風馬牛不相及應作齊地解而不能實指其處今考寰宇記彭城北三十里有崇城臨泗水齊在青泗水在徐相去不甚遠或卽是歟

地輿圖考

休崇

九十四



右齊唐高

水

青州

齊

近高唐
一帶皆高唐

齊右

嶺

南

濟

河


高唐考 齊右

按高唐齊大夫高傒之采邑說見風俗通集註曰齊西邑地輿東為左西為右縣駒處高唐而齊右善歌齊右指西鄙則高唐自是西邑集註確不可易特未詳在濟南濟北耳據廣輿記曰濟南府河東縣有高唐城即縣駒故里竊意府在濟南縣在濟北為濼所出逼近東河此即高唐所在故羅泌國名紀曰高唐濼所出桑欽地理志亦曰濼出高唐即濟南之祝柯祝柯即今齊河縣今合三說觀之高唐之近河明甚故史記齊威王曰吾臣有盼子者使守高唐趙人不敢東漁於河蓋亦以高唐近河故據此圖之

地輿圖考

高唐齊右

九十五



東

齊 三煤 汶 都

蓋

沂

水



南

禹貢海岱惟青州蔡傳
東北至海西南距岱

西

蓋考

地理志曰漢泰山郡蓋縣故城在沂州沂水縣西北閭百
詩曰蓋大夫王驪與兄戴蓋祿之蓋集註却於前云齊下
邑後云陳氏食采邑當是二邑王伯厚謂漢泰山郡蓋縣
故城在沂州沂水縣西北僅一處無二地頗不可解後悟
以半為王朝之下邑王驪治之以半為鄉族之私邑陳氏
世有之如趙同先穀共食原邑狐溱陽處父共食溫邑然
則當時蓋亦大矣

蓋考

四書釋地曰羸齊南邑春秋桓三年公會齊侯於羸杜註

地輿圖考

蓋羸

九十六

云今泰山羸縣故城在萊蕪縣西北四十里北汶水之北
去齊都臨淄尚三百餘里

地理志曰漢泰山郡蓋縣故城在沂州沂水縣西北閭百
詩曰蓋大夫王驪與兄戴蓋祿之蓋集註却於前云齊下
邑後云陳氏食采邑當是二邑王伯厚謂漢泰山郡蓋縣
故城在沂州沂水縣西北僅一處無二地頗不可解後悟
以半為王朝之下邑王驪治之以半為鄉族之私邑陳氏
世有之如趙同先穀共食原邑狐溱陽處父共食溫邑然
則當時蓋亦大矣

青州



於陵

於陵

南



地輿圖考

於陵考

於陵

九十七

路史國名紀曰書大傳散宜生之於陵氏今淄之長山太平寰宇記曰於陵故城在長山縣南二十五里四書釋地曰顧野王輿地志齊城有長白山陳仲子夫婦所隱處鄺注魚子溝水南出長白山東抑泉口山即陳仲子夫妻之所隱唐張說石泉驛詩目下自注於陵仲子宅漢於陵故城章懷太子賢曰在今淄州長山縣南與通典合張說詩云長白臨江上於陵入濟東我行弔遺跡感歎石泉空石泉非孟子所謂井者耶江繡江發源長白山南今章邱縣清河是計於陵仲子家離其母居幾二百里

陽南



地輿圖考


南陽考

南陽

九十八

四書釋地曰左傳晉於是始啟南陽杜註在晉山南河北
 故曰南陽余謂卽今太行山之南河內濟源修武温縣地
 孟子遂有南陽趙註山南曰陽岱山之南謂之南陽也余
 謂史稱泰山之陽則魯其陰則齊南陽屬齊必齊之地深
 插入魯界中者魯故欲一戰有之二南陽所指各不同公
 羊傳曰齊桓使高子將南陽之甲立僖公而城魯註云南
 陽齊下邑

平陸范



地輿圖考

平陸考

平陸范

九十九

史記曰晉穆公二十年魯伐齊敗齊師於平陸又齊威王二十三年與趙王會平陸四書釋地曰平陸齊邊邑齊世家康公貨十五年魯敗我平陸徐廣曰東平陸縣余謂漢東平國為古厥國孔子時為魯中都地爾時屬齊即今汝上縣又張守節曰平陸唐兗州縣即中都在大梁東界故曰平陸齊邊邑也

釋地所指平陸屬今山東省兗州府與屬山西省平陽府者不同考國策蘇代曰有陰平陸則梁門不啟魯仲連遺燕將書曰楚攻南陽魏攻平陸齊無南面之心則平陸之與梁為界也益信

范考

四書釋地曰今東昌府濮州范縣本春秋晉大夫士會邑國語是以受隋范是又半屬魯後漢志東郡范縣有秦亭卽莊三十一年築臺於秦地道記在縣西北是也孟子時則屬齊趙註云范齊邑王庶子所封食也頗妙蓋齊王之子生長於深宮賜第於康衢貴仕於朝內豈容遠在七八百里之下邑而爲孟子所見其在范者殆猶靖郭君孟嘗君之於薛乎不曰之齊見王子於范而曰自范之齊望見齊王子意者當時最多交質此以王子出質敵國路經於范遂與孟子適相值乎亦未可定

地輿圖考

范

一百



中牟

中牟

賦其中牟考

晉書卷一百一十五地理志中牟縣

史記正義曰蕩陰縣西有牟山中牟蓋在其山之側索隱曰趙中牟是河北之中牟非鄭之中牟也今河南省開封府中牟縣其境亦有牟山所謂鄭之中牟也論語中牟斷以在湯陰縣西爲是今河南彰德府湯陰縣卽漢蕩陰其西有牟山蓋彰德府在禹貢冀州之域春秋爲晉之兼陽地戰國爲魏之鄴地秦爲上黨邯鄲二郡故韓非子曰中牟三國之股肱邯鄲之肩髀明乎其在河北也至如開封府在禹貢兗豫二州之域春秋爲鄭陳許諸國境地開封府之中牟屬鄭在南海之南非晉趙氏所有也

地輿圖考

中牟

百一

佛胙以中牟胙考

史記孔子世家曰佛胙爲中牟宰趙簡子攻范氏中行氏伐中牟佛胙胙使召孔子孔子欲往說苑曰佛胙以中牟胙而致士大夫曰與我者受邑不與我者烹大夫從之惟邑人田卑褰衣將就鼎佛胙脫屣而生之趙氏聞其胙也攻而取之聞田卑不肯與也求而賞之田卑曰不可遂南之楚明儒經翼曰當時三家以大夫而叛諸侯佛胙以陪臣而叛大夫其稱名借號欲將國命挈而歸之公室爲倡義之舉孔子欲往亦墮三都之意此是夫子反正之微權知其勢不可行而卒不往豈門弟子之所能識邪又曰問

磨不磷涅不淄先儒解爲堅白不足自試於磨涅何如曰
 天下之堅莫如玉白莫如雪未有不可得而磷淄者以其
 有形有色故不免於污壞所謂器也夫子心同太虛超乎
 形色之外故不可得而磷不可得而淄所謂不器也故曰
 吾豈匏瓜也哉其旨微矣圖凌仲遠曰堅白四語正是申
 明不善不入之旨不磷不淄方是不入非受磨受涅便是
 入於不善也翻去有其一說又有其一說時解極允當然
 堅白如何能不磷不淄未能道出得明儒經翼超乎形色
 之外云云疑團立破

地輿圖考

佛脍以中牟畔

百二



屈考 垂棘

四書釋地曰通典慈州文城郡理吉昌縣春秋時晉之屈邑獻公子夷吾所居漢河東北屈縣左傳云晉有屈產之乘此有駿馬與劉昭注後漢志同余謂今山西吉州是樂史傳會爲石樓縣明一統志本之但石樓乃漢西河土軍縣非北屈地自非國春秋彙纂今山西平陽府吉州東北二十里有北屈廢縣路史國名紀云隰州有故屈城南屈也隰之吉鄉北二十一里有古屈城北屈也又按左傳二五言於獻公曰蒲與二屈君之疆也注云屈夷吾采邑二屈南屈北屈也則晉自有二屈矣吉州春秋時爲晉地戰

地輿圖考

屈

百三

國屬魏漢爲北屈縣隋改爲吉昌縣後置文城郡唐曰慈州宋置吉鄉軍金名吉州然則吉州吉昌吉鄉同爲北屈而異名也國名紀所云隰州春秋時爲晉之蒲城戰國亦屬魏隋改爲隰州金曰南隰州則隰州之屈爲南屈無疑又按國名紀云屈武子瑕邑號屈侯風俗通云魏賢屈侯跗意春秋時爲夷吾采邑後爲武子瑕屈侯跗采邑與至垂棘僅見於左傳成五年鄭伯及晉趙孟同盟于垂棘杜

註云晉地

夷吾瑕武子瑕河東并風輿志云晉武子瑕采邑

四書釋地曰藝文類聚文苑類聚吉昌縣春秋時晉之屈

內河東河



地輿圖考

河東河內

百四

未幾而秦兵至大梁矣又未幾而秦伐我圍大梁矣始也偷旦夕之安卒不振以底於亡我故於魏號為梁之日即謂畢萬之後已滅不待徵諸河水灌王假降之日矣

東敗於齊考

史記曰魏王三十年魏伐趙趙告急於齊齊宣王用孫臏計救趙擊魏魏遂大興師使龐涓將而令太子申為上將軍過外黃外黃徐子謂太子曰太子自將攻齊大勝富不過有魏貴不益為王若戰不勝齊則萬世無魏矣太子欲還其御曰將出而還與北同太子果於戰敗於馬陵齊虜魏太子申殺將軍龐涓又孫子謂田忌曰三晉之兵悍勇

東齊西秦南楚考

四書釋地曰梁惠王自言東敗於齊西喪於秦南辱於楚皆及戰爭事張儀說其孫哀王言梁南與楚境西與韓境北與趙竟東與齊境梁之地勢固戰場也

大梁考

竹書曰魏武侯十一年城洛陽及安邑魏惠王六年夏四月甲寅徙邦於大梁金山曰魏都大梁在大河東南故名河東而以故安邑之地爲河內今河中府是四書釋地曰魏之失計未有如都大梁之甚者也去河山之險而就平衍四達之地惟安邑旣去後五十四年遂獻安邑於秦

地輿圖考

東敗於齊

百五

未幾而秦兵至大梁矣又未幾而秦伐我圍大梁矣始也偷旦夕之安卒不振以底於亡我故於魏號爲梁之日卽謂畢萬之後已滅不待徵諸河水灌王假降之日矣

東敗於齊考

史記曰魏王三十年魏伐趙趙告急於齊齊宣王用孫臏計救趙擊魏魏遂大興師使龐涓將而令太子申爲上將軍過外黃外黃徐子謂太子曰太子自將攻齊大勝富不過有魏貴不益爲王若戰不勝齊則萬世無魏矣太子欲還其御曰將出而還與北同太子果於戰敗於馬陵齊虜魏太子申殺將軍龐涓又孫子謂田忌曰三晉之兵悍勇

而輕齊善戰者因其勢而利導之乃使齊兵入魏地爲十萬竈明目爲五萬竈又明日爲二萬竈龐涓大喜曰我固知齊兵法入我地三日士卒亡者過半矣乃與其輕銳倍行逐之孫子度其行暮當至馬陵馬陵道多阻隘可伏兵乃斫大樹白而書之曰龐涓死此樹下於是令善射者萬弩夾道而伏期日暮見火俱發龐涓果夜至木下以火燭書萬弩俱發涓乃自刎曰遂成豎子之名遂破魏虜太子申

西喪地於秦考

史記曰惠王九年與秦戰少梁虜我將公孫座取龐十七

地輿圖考

西喪地於秦

百六

年與秦戰元里秦取我少梁三十一年秦趙齊共伐我秦將商君詐我將軍公子卬而襲奪其軍破之秦用商君東北至河而齊趙數破我安邑近秦於是徙治大梁又秦孝公使衛鞅將兵伐魏魏使公子卬將兵擊之軍旣相距衛鞅遣公子卬書曰吾始與公子驩可面相見盟樂飲而罷兵以安秦魏公子卬以爲然會盟已飲衛鞅伏甲兵襲虜公子卬因攻其軍盡破之魏惠王恐使使割西河之地獻于秦以和而魏遂去安邑徙都大梁○江慎修曰按紀年魏惠成王立三十六年改元稱一年改元後十七年卒此後稱今王今王者魏襄王也而史記惠王三十六年卒子

襄王立襄王十六年卒子哀王立是諛分惠王之世爲二
王之年惠王與孟子語云西喪地於秦七百里至襄王五
年秦敗我龍賈軍于雕陰圍我焦曲沃予秦河西之地六
年秦取我汾陰皮氏焦七年魏盡入土郡于秦秦降我蒲
陽八年秦歸我焦曲沃十三年秦取我曲沃平周此正喪
地於秦七百里之事皆在惠王時時孟子未至梁而史記
誤繫之於襄王其誤蓋于未至梁也

南辱於楚考

史記曰襄王六年魏伐楚敗之陘山十二年楚敗我襄陵
又楚懷王六年楚柱國昭陽將兵而攻魏敗之于襄陵得
地與圖考

南辱於楚

百七

邑八。江慎修曰按集註亦以與昭陽戰喪邑事爲南辱
於楚然以六國年表考之楚懷王六年卽魏襄王十二年
非惠王時事矣以紀年惠王改元數之襄王十二年乃惠
王後元十三年其時孟子亦未至梁也以此觀之惠王改
元事是實錄

東敗於齊考

曹氏寅谷曰及寡人之身東敗於齊長子死焉此經文也
然魏世家云魏伐趙趙告急於齊田齊世家云魏伐趙趙
與韓親共擊魏趙不利韓請救於齊孫子列傳又云魏與
趙攻韓韓告急於齊史載異辭不可不辨余還以經證之

孟子曰梁惠王以土地之故糜爛其民而戰之大敗將復之恐不能勝故驅其所愛子弟以殉之集註子弟謂太子申也明指此事但云大敗云復之孟子當日何指自邠鄆以下罕有註及者後人讀孟子遂亦終身不解按周顯王十五年丁卯魏圍趙邯鄲十六年戊辰邯鄲降齊齊使田忌孫臏伐魏敗魏桂陵時惠王十八年也惠王初立即與二家不和後遂相讐靡已曩者邯鄲垂拔中北於齊固無時不圖報復者至三十年庚辰爲周顯王之二十八年又令太子申爲上將軍以伐趙惟其爲趙也故曰復惟其在桂陵之敗之後也故曰大敗將復之此孟子之經之明註

地輿圖考

東敗於齊

百八

也然則世家魏伐趙之說不爲無據因趙與韓親共擊魏不利致韓有南梁之難而請救於齊故又曰齊起兵救韓趙以擊魏也列傳謂魏與趙攻韓誤矣又閻百詩謂惠王九年己未秦魏戰於少梁六國表秦云虜其太子魏云虜我太子此太子即名申後死於齊者中相距二十二年必虜後復歸魏爲太子復令之將龐涓兵非惟不仁且不智甚矣余以爲不然按秦本紀獻公二十三年與魏晉戰少梁虜其將公孫痤魏世家九年與秦戰少梁虜我將公孫痤痤是魏相即衛公孫鞅所事者故明年痤卒而鞅乃奔秦表誤爲太子耳且即是太子亦是痤不是申趙世家所

謂秦獻公使庶長國伐魏少梁虜其太子痤是也閻說誤
西喪地於秦七百里考

曹寅谷曰賈誼過秦論言秦孝公據殽函之固擁雍州之地拱手而取西河之外秦之強實自梁始按周顯王十五年丁卯梁惠王十七年也魏與秦戰元里魏師敗秦取魏少梁少梁故城在同州韓城縣南二十二里古梁國也朱子集註引爲喪地於秦之證又因少梁無七百里故曰後魏又數獻地於秦而未詳所獻何地按顯王三十七年爲惠王後元四年己丑梁以陰晉和秦更名寧秦六年辛卯梁予秦河西之地秦圍梁焦曲沃七年壬辰秦渡河取汾

地輿圖考

西喪地於秦七百里

百九

陰皮氏八年癸巳秦公子桑圍梁蒲陽降之梁盡入上郡於秦潯水李氏謂喪於秦不止七百里余按梁地自河西逶迤而至河南幾將二千里蘓秦言地方千里縱長而橫不足截長補短算也惠王蓋就成數約言之猶曰十已喪七耳閻百詩謂七百里卽惠王三十一年辛巳割河西之地獻於秦以求和者非數獻也不知辛巳當顯王二十九年時魏瑩以安邑西偏於秦遂徙大梁以避之實未嘗割也秦本紀魏世家六國表皆謂獻河西地在顯王之三十九年此史記之足信者百詩作孟子考極信史記而此獨倍之何也卽河西地止自華州北至同州一帶亦無七百

里惟丹鄜延綏等州北至固陽盡爲秦并則自鄭濱洛以
北向所爲築長城以界秦者都委棄之夫然而秦更無阻
於魏也秦無阻於魏而魏先折而入秦矣魏折而入秦而
山東諸侯且徧受其禍矣故孟接口便說地方百里而可
以王是欲平治天下一大轉關惜乎惠王之卒不能用也
然則自己丑以下四五年間魏數獻地於秦並惠王改元
後實事不知者悉舉而屬之於襄王誤矣

南辱於楚考

曹寅谷曰闕百詩謂南辱於楚事本不可考祇宜闕疑雖
孫奭疏亦然奈何以楚世家懷王六年戊戌使柱國昭陽
地輿圖考

南辱於楚

百十

將兵攻魏破之於襄陵得八邑卽魏世家襄王十二年楚
敗我襄陵事以當之襄王事豈容出自惠王口此不然也
按惠王旣不得志於秦連年伐楚紀年周顯王二十二年
甲戌魏孫何侵楚入三戶鄆明年乙亥魏魏章帥師及鄭
師伐燕取上蔡孫何取滎陽此梁惠王二十四五年事皆
在三十五年乙酉以前辱楚而非辱於楚也改元後七年
壬辰楚威王卒子懷王立魏又乘楚喪伐楚取陘山楚使
景鯁于秦聲言將與秦遇謀報梁也魏瑩好戰秦難未已
復與楚仇至後元十三年戊戌楚昭陽敗梁襄陽卒見挫
焉非不幸也朱子集註遂取爲南辱於楚之證惟云亡其

七邑七當作八耳紀年在周顯王四十五年當梁惠王後元十二年丁酉史記較後一年然實是惠王非襄王故曰及寡人之身云爾紀年以魏史書魏事必得其實何獨此一事尚須闕疑耶如謂孫奭所未及將疏所云秦與魏戰元里取少梁者遂可謂喪地七百里耶孟子疏本偽作無可取乃欲濇此以擊竹書而反謂集註謔至於此不自知其繆也余一以七篇之經斷之而已

史記與竹書紀年不同諸家各有所據並載之

地輿圖考

南辱於楚

百十一

晉假虞道伐虢



晉假虞道伐虢考


四書釋地曰虞虢二國杜註虞國在河東大陽縣余謂山西之平陸縣也虢西虢國宏農陝縣東南有虢城余謂河南之陝州也名雖二省而界相連莫妙於裴駟引賈逵註曰虞在晉南虢在虞南一言而形勢瞭然虢仲虢叔皆王季子虢叔封東虢為鄭所滅虢仲封西虢即孟子虢公始祖國名紀仲之封為西虢在岐即雍之岐東遷之際徙上陽為南虢矣以其仲後所都故亦曰西虢其處者為北虢秦滅東虢叔之封制也左傳制巖邑也虢叔死焉

地輿圖考

晉假虞道伐虢

百十二

門之澤堙



澤門

宋東城南門


涇澤之門考

四書釋地曰卽春秋傳襄十七年築者謳曰之澤門杜註東城南門是也或曰得毋以禹貢孟豬澤名其門乎按禹貢孟豬澤在故宋國微子所封之東北此自爲東城之南門耳

地輿圖考

涇澤之門

百三



邱葵

葵邱

泗水
葵邱
宋葵邱
徐州
齊
青州
海
東
南

葵邱考

四書釋地曰春秋有二葵邱一齊地近在臨淄縣西連稱
管至父所戍者一宋地司馬彪云陳留郡外黃縣東有葵
邱聚齊桓公會此城中遠在齊之西南故宰孔稱齊侯西
爲此會也是

地輿圖考

葵邱

百十四



石邱

北

宋

石邱

徐州

海

南

石邱考

宋孫奭疏曰石邱宋國地四書釋地曰集註止云石邱地名趙氏註宋輕宋人參以荀子非十二子篇宋鉞註鉞與輕同宋人與孟子尹文子彭蒙慎到同時正合蓋宋輕者宋人將欲往楚而孟子游宋適相值于石邱之地


地輿圖考

石邱

百十五

豫州

洧溱



漆洧考

四書釋地曰說文漆作澮曰澮水出鄭國洧水出潁川陽城山東南入潁史記引括地志以為古新鄭城南洧與漆合水經亦云予讀酈注於洧水一則曰又東逕陰坂北水有梁焉再則曰又屈而南流其水上有梁焉謂之桐門橋則洧水宜有梁孟子言殊非無因

地輿圖考

漆洧

百十六



葉

水

葉

葉

方城

楚
荆州

洞庭

南

津河

水

地輿圖考

問津考

問津

長沮桀溺

百十八

荊州

南



四書釋地曰水經注南陽葉縣方城西有黃城山是長沮桀溺耦耕之所有東流水則子路問津處括地志黃城山俗名萊山在許州葉縣西南二十五里又按據水經注黃城山在方城之西據括地志黃城山在葉縣之西南然則葉必在方城之北方城必在葉南矣觀此益信葉圖當從杜說○彙苑曰渡水處謂之津亦曰濟又水會處謂之津

長沮桀溺考

四書通云吳氏曰接輿書楚敵沮溺丈人不復書蓋皆楚

人馮氏曰沮沮洳也漚淖溺也長謂久桀謂健觀二子命名之義其志於避世久矣

孔子過之考


集註曰時孔子自楚反乎蔡史記孔子世家孔子自陳遷于蔡明年自蔡如葉又去葉反乎蔡則是時孔子未嘗至楚國都乃自楚邊邑反乎蔡明儒經翼曰孔子周流四方欲行其道於天下豈不如長沮桀溺之徒知道之終不能行但聖人仁民之心即天地生物之心天地不以窮冬大寒而已其生物之心聖人亦豈以時勢衰亂而已其行道之心乎

地輿圖考

孔子過之

百十九

宋過楚之



滕 楚地 廣至泗

宋

海

楚

荆州

之楚過宋考

四書釋地曰余向主孟子游宋當在慎觀王三年癸卯後宋稱王故也是時楚地久廣至泗上泗上十二諸侯者宋魯滕薛邾莒在淮泗之上國滕南與楚鄰苟有事於楚一舉足則已入其境何必迂而西南行三百五十餘里過宋都乎過宋都者以孟子在焉往也如是反也如是不憚假道於宋之勞其賢可知顧麟士謂非世子迂道來見此不通地理之說也

地輿圖考

之楚過宋

百二十

齊滕之路



齊滕之路考

四書釋地曰金仁山曰滕姬姓國今徐州北一百九十里所屬之滕縣有古滕城余考自臨淄抵滕不滿五百里路不為遠而一往一還將千里路亦不為近朝暮接焉未一及使事故丑以為疑

地輿圖考

齊滕之路開於齊楚

百廿一

楚齊於間



絕長補短

地輿圖考

滕開於齊楚考

絕長補短

百廿二



正義云滕在沛郡公邱縣金山曰徐州北一百九十里

所屬之滕縣有古滕城漢改泗水郡為沛郡置徐州杜預注左傳云在

兗之龔邱疑即公邱今滕縣是也元和郡縣志云滕縣古滕國

在縣西南十四里滕城是也按兗州府寧陽縣隋曰龔邱

寧陽在府北五十里而滕縣在府東南一百四十里則杜

預所謂龔邱即滕縣者似為強合又按徐州漢屬沛郡兗

徐本相連界知兗州府之滕縣即徐州之滕縣特古滕城

斷在滕縣必不在龔邱耳又按兗州府地春秋時為魯國

至戰國時大半已屬楚徐州春秋時為宋地在戰國亦屬

楚兗州南與江南徐州鄰山東青州府臨淄縣齊之故都在兗州府東北四百餘里然則滕逼近楚之正北齊之西南也故曰閒於齊楚

滕絕長補短將五十里考

按閻百詩釋齊滕之路云自臨淄抵滕

西南

不滿五百里

又釋齊滅薛云孟子之滕與文公言爾時薛滅已久蓋薛在滕之東北齊之西南齊既滅薛則齊逼近滕之東北矣又釋之楚過宋云是時楚廣至泗上滕南與楚鄰一舉足已入其境則楚逼近滕之正南矣又釋書云鄒在齊之西南則齊既在滕之東北鄒必在滕之東南國名紀云邾卽鄒

地輿圖考

滕絕長補短將五十里

百三

去古滕二十里則知鄒在滕東南二十里矣百詩又釋之楚過宋云滕西南行三百五十餘里過宋都則知宋在滕西南三百五十餘里矣左閔二宋桓公立戴公以廬于漕漕在河南兗豫之閒僖元年齊桓公封衛于楚邱楚邱在濟河閒亦在兗豫之閒況今儀封縣封人見孔子處在兗豫二州之域而滕在徐州泗上則知衛在滕之西北矣故嘗謂滕國東北鄰齊南鄰楚東南鄰鄒西南鄰宋北鄰衛絕長補短將五十里蓋東南短西北長

按五十里以開方法計之可制二千五百井除山川沈斥

城池邑居園圍街路三之一仍得一千六百六十六井有奇
公田十六萬六千六百畝民田一百三十二萬二千八百
畝其人以八口之家計之十萬零六千六百二十四人以
五口之家計之六萬六千六百四十人故曰可以爲善國
四書質疑曰按孟子論班爵祿之制曰公侯皆方百里伯
七十里子男五十里滕侯爵也當在大國地方百里之列
何以幅幘之隘幾不能比於子男哉可知籍去之後約畧
言之不足爲憑也

互鄉考

寰宇記曰徐州沛縣合鄉故城古互鄉之地一統志曰互

地輿圖考

互鄉

百廿四

鄉在河南陳州商水縣類考云二說不同沛在春秋時爲
宋地商水乃陳地也夫子嘗過陳宋未知孰是四書釋地
曰互鄉所在甚多獨王伯厚引王無咎云亳州鹿邑縣外
有互鄉城邑人相傳謂童子見孔子卽其處前代因立互
鄉縣其城猶存余因檢新舊唐書杜氏通典隋地理志鹿
邑名縣始隋開皇十八年此後未有析置互鄉事雖伯厚
語恐未足憑

三分天下有其二考

集註曰蓋天下歸文王者六州荆梁雍豫徐揚也惟青兗
冀尙屬紂耳勿軒熊氏曰雍州陝西諸隘唐稷公劉居幽

太王遷岐文王都豐武王都鎬皆雍州境詩有江沱漢廣
則荆梁州境殷都朝歌衛地則冀兗同在畿內青在冀州
東屬紂可知若豫徐揚則未有考經註集證曰按今河南
省河南府洛陽縣相傳卽古周南地陝州卽周召分陝界
汝寧府有汝水詩有遵彼汝墳皆豫州境也又按書蔡傳
汝水出汝州天息山逕蔡潁州入淮宋汝州卽今河南汝
州宋蔡州卽今河南汝寧府潁州卽今江南鳳陽府潁州
汝州汝寧屬禹貢豫州境潁州屬揚州境則所謂汝旁之
國已漸近于揚矣況泰伯仲雍居吳端委以治周禮其子
孫君長于吳者有不率荆蠻之衆以歸王化者乎夫吳又

地輿圖考

三分天下有其一

百廿五

跨徐揚二州境也闕百詩謂此處只大槩言如奄助紂爲
虐國在曲阜正徐州域虞芮質成同在冀州州域故難分
屬溫故錄分音問猶語云停三三股有二亦非版圖之入
今皆如字讀非也

闕黨考

四書釋地曰闕黨黨名五百家爲黨猶達巷黨人達巷亦
黨名也闕里里名亦猶史記孔子世家有孔里赤里名也
闕黨按兗州府志在府城東北一里有泉亦以此名流入
泗荀子稱仲尼居於闕黨闕黨之弟子以化是也闕里在
曲阜縣城中至聖廟之東梅福稱今仲尼之廟不出闕里

是也然闕里亦有二一在魯城中一在泗水縣南五十里以孔子生於此遂以闕里名之孔子時無闕里之名緣魯恭王徙魯於孔子所居之里造室室有雙闕焉人因名孔子居曰闕里史記正義曰夫子生在鄉長徙曲阜仍號闕里

闕黨童子考

新序曰孔子居於闕黨闕黨之童子畋漁分有親者多得孝以化之也氏族畧曰闕氏風俗通謂闕黨童子之後朱子或問曰家語記叔仲會少孔子五十歲與孔璇年相比每孺子之執筆記事于夫子二人迭侍左右所云闕黨童子與圖考

闕黨童子

百其

子豈卽其人歟

九夷考

四夷

夷狄

蠻貊戎

七經小傳曰子欲居九夷蓋徐州莒魯之間中國之夷非海外之夷也書旅獒曰惟克商遂通道於九夷八蠻禮王制曰東方曰夷被髮文身有不火食者矣南方曰蠻雕題交趾有不火食者矣西方曰戎被髮衣皮有不粒食者矣北方曰狄衣羽毛穴居有不粒食者矣後漢書東夷傳曰王制云東方曰夷夷者柢也言仁而好生萬物柢地而出故天性柔順易以道御而至有君子不死之國焉夷有九種曰吠夷于夷方夷黃夷白夷赤夷元夷風夷陽夷風俗

通云東方曰夷者東方人好生萬物舐觸地而出夷者舐也其類有九一曰元菟二曰樂浪三曰高麗四曰滿飾五曰臯夷六曰索家七曰東屠八曰倭人九曰天鄙南方曰蠻者君臣同川而浴極爲簡慢蠻者慢也其類有八一曰天竺二曰咳首三曰焦僥四方踈踵五曰穿胷六曰儋耳七曰狗軼八曰旁脊西方曰戎者斬伐殺生不得其中戎者兇也其類有六一曰僥夷二曰戎夷三曰老白四曰耆羌五曰鼻息六曰天剛北方曰狄者父子叔嫂同穴無別狄者辟也其行邪辟其類有五一日月支二曰穢貊三曰匈奴四曰單于五曰白屋

地輿圖考

九夷 逃荆蠻

百廿七

秦伯逃荆蠻說

明儒經翼曰秦伯荆蠻之逃斷髮文身人皆知佯狂自廢無復用世之心抑知經世者聖人之志而混世者經世之微權夷俗之陋非夷之陋也奈無君子居之故耳斷髮文身荆蠻積習使秦伯正其衣冠以與易之將孰從而近之故同乎流俗混乎污世忻合和暢流通無閒然後漸次誘引只談笑間不覺動其羞惡之良興其躍然之機平日放縱之性自漸變而爲衣冠之場而千百年之運始開於此矣微秦伯吳地其終爲夷俗乎

水經注曰巨洋水逕臨朐縣古城東城古伯氏駢邑也齊乘曰臨朐古駢邑伯氏所食後爲管仲所奪城西有其冢四書釋地曰駢邑今臨朐縣是管仲所食之邑不止此此特其一爾荀子曰齊桓公見管仲之能足以託國也是天下之大智也遂立以爲仲父是天下之決也立爲仲父而貴賤莫之敢妬也與高國之位而本朝之臣莫敢惡也與之書社三百而富人莫之敢距也貴賤少長莫不秩秩然從桓公而貴敬之是天下之大節也閻百詩曰孔子世家索隱曰古者二十五家爲里里各有社書社者書其社之人名于籍楚七百里書社之人封孔子也則書社三百乃

地輿圖考

駢邑 市朝

百廿八

七千五百家

樂禮市朝考

四書釋地曰市朝二字見論語者乃殺人陳尸之所左傳殺三郤皆尸諸朝董安于縊而死趙孟尸諸市是也見孟子者僅一市字蓋古者撻人各有其所容有于市于市則辱之極矣是以斷無撻之于朝者苟撻人于朝則隋文帝之于殿廷打人高頴柳彧諫以爲殿廷非決罰之地唐御史坐法詔決杖朝堂張廷珪執奏以爲寧殺毋辱會謂古者而有是事乎孟嘗君傳馮驩先言朝趨市者又言日暮之後過市朝者以市之行列有如朝位故曰市朝孟子解

正合此或曰市朝乃連類而及之文因其一而并言其一
柳下考

四書釋地曰展禽爲魯公族居應於曲阜而食邑則在柳
下柳下今不可的知所在以顏觸言秦攻齊令有敢去柳
下季蠶五十步而樵採者死不赦證之古人多葬於食邑
董所在卽邑所在則柳下自當在齊之南魯之北二國壤
接處方昔爲魯地後爲齊有

句釋 出註

四書釋地曰句釋有二一爲邾子地名見哀公二年春王
二月經一爲小邾子地名見哀公十四年獲麟以後傳

地輿圖考

柳下句釋邾下莊嶽 百廿九

鄒邑考

四書釋地曰鄒魯邑名今則在鄒縣界按非鄒國之鄒鄒
鄒陬耶通用

卞考

四書釋地曰卞卽今泗水縣莊子爲邑大夫子路卽其治
民氏族大全曹叔振鐸之後支庶食采于卞因氏焉

莊嶽考

集註曰齊街里名講四書隨筆曰左襄二十八得慶氏之
木百車于莊昭十又敗諸莊哀六戰于莊襄二十八慶封
反陳于嶽蓋皆齊城內街里之名

有庠考

四書釋地曰有庠之在永州府零陵縣已成千古定所而集註云未知是否最妙蓋一以經文爲案也經文欲常常而見之故源源而來不及待一年之貢期五年之朝期以伸吾親愛情豈有兄居蒲阪弟居零陵陸阻太行水絕洞庭較之驩兜放處尤遠千里之理蓋有庠必近在帝都而今不可考爾按永州在禹貢荊州之域春秋戰國爲楚南境

咸邱考 東野

古人以所居之地得姓氏不必定常於其地如咸邱魯地地輿圖考

有庠 咸邱

百三十一

而蒙則齊人是咸邱二字見爾雅左高曰咸邱見春秋桓公七年焚咸邱杜註咸邱魯地高平國鉅野縣南有咸亭咸邱複氏自以此余最賞趙氏註此章於東字妙有體會曰東野東鄙田野之人所言耳咸邱蒙齊人也故聞齊野人之言書曰平秩東作謂治農事也不然何不云齊之西或北野人乎考堯典平秩東作孔傳云歲起於東而始就耕蓋以東字當春字猶云歲起於春而始就耕鄉飲酒義東方者春句可證閻徵君引東作訓東野恐未是竊意齊隸青州西南接壤皆文物之邦東北濱海而東野尤與萊夷密邇聲教難通故有不經之語

桐考

殷本紀伊尹放太甲於桐宮註似引鄭康成註書序語曰
桐地名也有王離宮焉初不指為湯葬地閻百詩曰余以
後漢志梁國虞縣有空桐地有桐地有桐亭太甲所放處
應在此虞今歸德虞城縣距湯都南亳僅七十里方可伊
尹既攝國政復時時往桐訓太甲三年不然如人言湯亳
為偃師偃師去虞城八百餘里尹豈有縮地之術分身以
應乎湯都應以屬穀熟鎮為是至湯墓劉向告成帝云殷
湯無葬處蓋直至哀帝建平元年大司空御史長卿案行
水災因行湯冢始得之於汾陰亳疑縣北東郭去縣二里
地輿圖考

桐秦楚大國阮共

百三十一

馬端臨曰今河中府是故宋太祖乾德四年著諸祀典迄
今不易秦楚皆大國考朝秦楚註

纂疏曰秦跨有禹貢雍梁二州之域楚盡有荊州西接漢
中北至汝南故皆為大國宥人侵阮徂共考以邊徂菑註

魯詩說曰阮徂共皆國名孔氏曰毛以徂為往阮共為周
地密須所侵也朱子集傳從毛氏以徂為往而阮共不主
周地云阮國名在今涇川氏族畧云在岐渭之間集傳又
云共阮國之地名今涇川之共池是也梁氏益曰虞公所

奔之共池集傳又云密須氏姑姓之國在今寧州梁氏益曰密須子僞商侯國世本曰商有密須文王伐之書傳曰文王受命三年伐密須密須之人自縛其君而歸文王

靈邱考

四書釋地曰靈邱齊邊邑趙世家敬侯二年敗齊于靈邱六國表敬侯九年魏武侯九年韓文侯九年因齊喪共伐之至靈邱又趙世家惠文王十四年樂毅將趙秦韓魏燕攻齊取靈邱燕獨深入取臨菑加以砥鼂去王遠無以箴王闕特辭靈邱請士師足徵爲邊邑但實不知其所在邇時趙別有靈邱以葬武靈王得名卽今靈邱縣孝成王以地輿圖考

靈邱

百三

靈邱封黃歇絳侯擊破陳豨于靈邱皆其地註史者以此靈邱爲齊之靈邱無論齊境不得至代北而敬侯時安得國有靈邱胡三省註齊靈邱又以漢清河郡之靈縣當之抑出臆度毋寧闕疑四書類典曰史記正義謂靈邱卽河東蔚州縣時屬齊故三晉伐之未知是否

南宮考

四書釋地曰南容孔子弟子居南宮已將後南宮适南宮二字併註出古者命士以上父子皆異宮故儀禮言有東宮有西宮有南宮有北宮世之謚某宮者應各以所居之宮應劭或氏子居正謂此考周書文王時南宮适成王時

南宮毛逸周書武王時南宮忽南宮伯達左傳敬王時南宮極南宮囂先此宋有南宮長萬南宮牛古今人表有南宮邊博古圖有南宮中紛紛氏南宮者不獨一仲孫氏之子已也按禮檀弓鄭注敬叔孟僖子之子仲孫閱左傳杜注云說南宮敬叔孔正義云說南宮氏也敬謚也叔字也又字容也字适也名說一名縉又按漢書古今人表有南宮容又有南宮敬叔顏注於南容曰南宮縉於南宮敬叔曰南宮适後儒因此起難紛紛致辨不知集註自本注疏之舊也

東里考

地輿圖考

南宮東里東郭北宮

百十三

按路史粟陸氏懷諫自用東里子者賢臣也諫不行殺之國名紀云東里子諸侯也粟陸臣而夏后氏亦有東里槐此皆非鄭東里鄭東里一見於列子列禦寇稱東里多才其被子產之流風乎

東郭考

氏族畧曰東郭氏姜姓齊桓公之後按左傳東郭偃謂崔武子曰君出自丁臣出自桓是也正義云東郭齊之東地號爲東郭也經云卒之東郭墠間之祭者則東郭是齊之東地也氏者未詳其人注曰齊大夫家也

北宮考

氏族畧曰北宮氏姬姓衛之公族也淮南子主術訓握劍鋒以離北宮子司馬蕢不使應敵高誘注曰北宮子齊人孟子所謂北宮黝也應猶擊也〔按〕衛有北宮括見左傳成十七年北宮佗見左傳襄十三年杜注佗括之子也北宮喜見左傳昭十年

徒杠輿梁考

爾雅釋宮曰石杠謂之倚邢疏曰石杠一名倚郭氏兩解一曰聚石水中以爲步渡衍廣雅倚步橋是也一曰今之石橋爾雅釋地梁莫大于溟梁釋宮隄謂之梁邢疏曰隄一名梁郭氏兩解一曰卽橋也以木爲之一曰石絕水〔按〕

地輿圖考

徒杠輿梁 堙

百三十四

杠也梁也皆橋也可徒行者曰徒杠可通車輿者曰輿梁集註最明顯故玉篇曰石杠今之石橋說文曰梁水橋也

堙考

方言曰堙封塲也楚郢以南蟻土謂之堙學記曰蛾蟻子時術之鄭註曰蚍蜉大蟻之子小蟻微蟲耳時術蚍蜉之所爲其功乃復成大堙幽風曰鸛鳴于堙毛傳曰堙蟻塚也孟子邱堙集註云堙蟻封蓋本此〔按〕字典堙直質切音姪蟻封也徒結切音迭土之高也則孟子邱堙之堙與蟻封之堙異

營窟考

